

**Hon Tad :** hag a zo en neañv, hoc'h anv ra vo santelaet,  
Ho rouantelezh degaset deomp,  
Ho vennantez ra vo graet àr an douar 'vel an neañv.  
Roit deomp hiriv hor bara pemdeziek,  
Pardonit deomp hor pec'hedoù,  
'vel ma pardonomp d'ar re o deus pec'hed doc'homp,  
Ha n'hon laosket ket da gouezh en tantasion  
Met hon diwallit doc'h an droug.

Ar beleg : Plijet genoc'h, Aotrou Doue,... ha distro hor Salver Jezuz-Krist :  
**R/ : Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.**

**Lid ar peoc'h :**

*Ar beleg : Salver Jezuz-Krist... a-holl-viskoazh da virviken.  
Peoc'h hor Salver a vo bepred genoc'h.* **R/ : Ha get ho spered !**

**Oan Doue :**

Oan Doue a lamm pec'hedoù ar bed : ho peet truez doc'homp ! (bis)  
Roit deomp ar peoc'h !

**Kent ar gomunion :**

*Ar beleg : Eürus ar re a zo galvet da bred santel an Oan.  
Setu Oan Doue, an hini a lamm pec'hed ar bed :*

**R/ : Man Doue, ned on ket dign ma teet davedon,  
met lârit ur ger hepken hag e vo aesaet din.**

**Komunion : Karet ho preuder, hag e vin genoc'h.**

Me eo 'r bara deit ag en neañv (2w). Dait, c'hwi a glask ar wirionez, (2w)  
Neb a gred ennon 'deus ar vuhez. Ma c'homzoù zo spered ha buhez.

C'hwi holl a zo skuizh ha sammet, (2w) Ma chom ma c'homzoù bev ennoc'h,  
Dait ha Me 'rei doc'h nerzh ha kalon. Goulennet get feiz, roet e vo deoc'h.  
'El m'en deus an Tad Ma c'haret, (2w)  
'El-sé eùé am eus ho karet.

**'Cit kloziñ an oferenn :**

*Ar beleg : An Aotrou Doue genoc'h :* **R/ : Ha get ho spered !**  
*Ar beleg : Doue hollgelloudek d'ho pennigiñ :*  
*An Tad, ar Mab hag ar Spered Santel.* **R/ : Amen !**  
*Ar beleg : Kerzhit e peoc'h hor Salver :* **R/ : Bennozh da Zoue !**

**Kan-dibenn : Avel hon tadoù, ni vo tud a feiz !**

**Doue a vo bepred hor Mestr hag hor Roue ! (2 wezh)**

- 1 Doue a vo bepred Mestr àr pep tiegezh :  
Tier Arvoriz vo e rouantelezh. (2 wezh)
- 2 Èn hon tiegezhioù, sellit vo 'el Roue  
Get an tad, ar vamm hag ar vugale.

**Parrez Pondi**

**Ar Christ, Roue an Hollved**

*22 a viz Du 2020*

*1<sup>h</sup> lenn. : Ez 34,11..17 2<sup>l</sup> lenn. : Ko 15,20..28 Aviel : Mh 25,31-46*

**Kan digor :**

**Meulomp holl leun a joa**

**Madelezh an Aotrou Doue ! (2 wezh)**

- 1 Geneomp, Aeled santel, meulit e garantez ;  
Geneomp d'e largentez, kanit gloar peurbadel !  
2 Pet tad en deus james get kement a druez  
Sellet e vugale ha distanet o gloaz ?  
3 Bugul mat ha tener, redek a ra a-benn  
Da glask e zañvadenn, d'he zenniñ a zañjer.

**Salud d'ar bobl :**

*Ar beleg : Gras hor Salver Jezuz-Krist, karantez Doue an Tad  
hag unaniezh ar Spered Santel, ra vint genoc'h-holl :*

**Respont : Ha get ho spered !**

**Kyrie (Ordinal hervez ton gwerz Pontkalleg)**

**Gloria : (Guilloù) Gloria ! Gloria ! In excelsis Deo ! (2 wezh)**

Peoc'h àr an douar d'an dud karet getoñ ; Ho meuliñ a reomp. Ho trugarekaat a reomp. Hoc'h adoriñ a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgellougek.  
*Aotrou, Mab unganet, Salver Jezuz. Aotrou ha Doue, Mab an Tad. C'hwi hag a lamm pec'hed ar bed, ho pet truez doc'homp. C'hwi hag a lamm pec'hed ar bed, degemerit hor pedenn. C'hwi hag a zo azezet en tu dehoù d'an Tad, ho pet truez doc'homp.*

Rak C'hwi hepken a zo santel. C'hwi hepken a zo Mestr. C'hwi hepken a zo uhelmeurbet, Salver Jezuz, Get ar Spered Santel, e gloar Doue an Tad. Amen !

**Lennadenn getañ : Lennadenn tennet a levr Ezekiel**

*Evel-mañ e komz an Aotrou Doue : Setu me ma-unan !*

*Gober a rin-me ma-unan en-dro d'am deñved hag o gouarn a rin. Evel ma evasha ar bugul e zeñved d'an deiz ma en em gav e-kreiz e zeñved bet didolpet ; evel-se e eveshin man deñved hag e tenniñ anezhe ag an holl lec'hioù ma oant bet strewet enne en deiz ar c'houmoul hag an amzer teñval. Me eo an hini a vaesay men deñved, me an hini o lakay da ziskuizhiñ, diougan an Aotrou !*

*An hini kollet a glaskin, an hini a vanke a zegasin en-dro, an hini gloazet a lieñ he goulit ; an hini glañv a gennerzhin, an hini druz ha kreñv a ziwallin ; o maesaat a rin get reizhted. Evit ar pezh a sell doc'hoc'h, ma deñved, evel-mañ e komz an Aotrou Doue : Setu ma yan da varn etre dañvad ha dañvad, etre maouted ha bouc'hed.*

*Setu komz an Aotrou Doue : Bennozh da Zoue !*

## Psalm 22 : An Aotrou eo ma fastor, ha netra ne vank din-me.

Ma fastor eo an Aotrou,                      Ha pa gerzhin dre stankenn ar marv ,  
n'eus tra ebet hag a vank din :            n'em bo aon rak droug ebet, c'hwi em c'hichen.  
àr bradeier leton glas                      Get ho pazh hag ho kammell,  
ma laka da c'hourvez.                      a laka dinec'h ma eneañv.

Ma c'has a ra d'an dourioù diskuizhus,            Evidon ec'h aozit ur pred  
da advevaat ma eneañv.                      a-dal d'am eneberion ;  
Ma c'honda a ra dre hentoù ar reizhder            àr me fenn e skuilhit ho c'hwezh-vat,  
evit enor e anv.                                      ma c'halis 'zo leun-barr.

Madelezh ha gras a gerzho genin  
a-hed deizioù ma buhez,  
ma demeurañs a vo ti an Aotrou  
a-hed an holl amzer.

## Cil lennadenn : Pennad tennet a lizher kentañ an Abostol Paol d'ar Gorintiz

Ma breuder, bremañ, setu ar wirionez : Met n'eo ket se ! Ar C'hrist evit gwir a zo dihonet da vev a-douezh ar re varv, an hini kentañ ag ar re gousket. Rak get un den emañ daet ar marv, ha get un den e tay adsavedigezh ar re varv. Evel ma varv an holl en Adam, evel-se ivez ec'h adkavo an holl ar vuhez er C'hrist. Met pep hini en e renk e penn an holl, ar C'hrist evel kentañ ; àr e lerc'h ar re a vo d'ar C'hrist d'an deiz ma tay en-dro. Goude-se e vo ar fin, pa lakay e rouanteleh etre daouarn Doue an Tad, goude bout distrujet pep Priñselezh, Mestroniezh ha Galloudegezh. Rak dleet eo dezhañ ren, betek m'en devo lakaet e holl eneberion dindan e dreid. Hag an diwezhañ enebour a vo diskaret a vo ar Marv. Rak goude ma vo bet lakaet pep tra dindanañ, neuze ar Mab e-unan en em lakay dindan an hini en devo lakaet pep tra da sujiñ dezhañ, evit ma vo Doue pep tra e kement tra 'zo.

Setu komz an Aotrou Doue : **Bennozh da Zoue !**

## Allelouia : Allelouia, Sklaeder ar Broadoù ! Allelouia, Jezuz-Krist a youc'homp !

Ar beleg : An Aotrou Doue genoc'h : **Ha get ho spered.**

Ar beleg : Lennadenn ag an Aviel santel hervez St Mazhev.

Ar bobl : **Gloar deoc'h-Chwi, ô Aotrou Krist !**

Aviel : En amzer-hont, Jezuz a gomze d'e zisiplez ag e zistro : «Pa zay Mab an Den en e c'hloar hag e holl Aeled getañ, neuze e azezo àr e dron a c'hloar, hag e vo tolpet an holl pobloù diraktañ, hag e tispartio an eil doc'h egile, 'vel ma tisparti ar mesaour an deñved doc'h ar bouc'hed. Hag e lakay an deñved en tu dehoù dezhañ hag ar bouc'hed en tu kleiz. Neuze e lâro ar Roue d'ar re a vo en tu dehoù dezhañ : «Dait, c'hwi ar re benniget get ma Zad, da viaouiñ ho heritaj, ar Rouantelezh a zo bet aprestet evideoc'h abaoe krouidigezh ar bed. Rak naon am eus bet, ha roet ho peus din da zebriñ, sec'hed am eus bet, ha roet ho peus din da evet ; estrañjour e oan, ha man degemeret ho peus ; en noazh e oan, ha c'hwi ho peus man gwisket ; klañv ha daet oc'h d'am gwelet ; er prizon ha daet oc'h davedon. An dud just a responto dezhañ neuze : Aotrou, pegoulz hon eus-ni ho kwelet é kaout naon, ha roet deoc'h da zebriñ ? Kaout sec'hed ha roet deoc'h da eviñ ? Pegoulz hon eus ho kwelet estrañjour hag ho tegemeret ? En noazh hag ho kwisket ? Pegoulz hon eus ho kwelet

klañv pe er prizon hag ho pizitet ? Hag e responto ar Roue dezhe : E gwirionez, m'el lâr deoc'h, dre ma ho peus graet kement-se da unan ag ar re vihanañ a mam breuder, ho peus er graet din-me ma-unan.

Neuze ivez e lâro d'ar re a vo a gleiz dezhañ : Pellait a-zoc'hon, tud milliget, kit d'an tan peurbadus a zo bet aozet evit an Diaoul hag e Aeled. Rak naon am eus bet, ha n'ho peus roet netra din da zebriñ, sec'hed am eus bet, ha n'ho peus ket roet din da eviñ, estrañjour e oan, ha n'ho peus ket man degemeret ; en noazh, ha n'ho peus ket man gwisket ; klañv hag er prizon, ha n'ho peus ket mam bizitet. Neuze, int ivez a lâro dezhañ : Aotrou, pegoulz hon eus-ni ho kwelet é kaout naon pe sec'hed ? bout estrañjour, pe en noazh, pe klañv, pe er prizon ha n'hon eus ket ho sikouret ? Hag e responto dezhe : E gwirionez m'el lâr deoc'h, pa n'ho peus ket graet kement-se da unan ag ar re vihanañ-se, n'ho peus ket er graet din-me ma-unan. Ha monet a ray ar re-mañ d'ar c'hastiz peurbadusl, hag ar re just d'ar vuhez peurbadus.»

En dibenn : ar beleg : Setu Komz an Aotrou :

**R/ : Meuleudi deoc'h, ô Aotrou Krist !**

Kredo : **Me 'gred e Doue, an Tad hollgelloudek**, Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, daet a varv da vev an drivet deiz, pignet d'an neañv, hag azezet en tu dehoù an Tad, a-eno e tay da varn ar re vev hag ar re varv. Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez peurbadus. Amen !

## Pedenn hollbedel :

**Aotrou, hon Doue, ô Tad Santel, selaouit hor pedenn !**

Lid ar profoù : ar beleg : Pedit, mam breudeur, ma plijo get Doue an Tad holl-gelloudek degemer ma sakrifis a zo ivez ho hani-c'hwi :

**R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.**

## Prefas :

Ar beleg : An Aotrou Doue genoc'h :

**R/ : Ha get ho spered !**

Ar beleg : Hor c'halon d'an uhel :

**R/ : Emañ troet trema Doue !**

Ar beleg : Trugarekaomp hon Aotrou Doue :

**R/ : Just ha santel eo !**

## Santel :

**Santel ! Santel ! Santel ! An Aotrou Doue, Mestr an neañv hag an douar !**

Lan eo get ho kloar an neañv hag an douar : **Hosanna e lein an ne !**

Ra vo benniget an hani az a e anv an Aotrou Doue : **Hosanna e lein an ne !**

## Gorreoù :

**Gloar Deoc'h-C'hwi marv àr ar groaz ! Gloar deoc'h-C'hwi, Jezuz !**

**Adsavet lan a vuhez, hon Salver !**

**Hag hon Doue, C'hwi zay en-dro, Splanner lugernus !**

**Setu-ni àr-sav doc'h ho kortoz !**